



Reglur um nemendaheimsóknir í grunnskóla Ísafjarðarbæjar

Reglurnar gilda um öll þau börn sem koma og dvelja um stundarsakir í sveitarfélaginu en eiga ekki lögheimili þar.

I. hluti

Þar sem foreldrar eiga ekki lögheimili í sveitarfélaginu.

1. gr.

Nemendur sem eru í vetrarfríum í heimaskólum sínum eiga ekki að sækja tíma í grunnskólum Ísafjarðarbæjar, enda sé þá verið að lengja skólaárið hjá þeim.

2. gr.

Nemendur sem eru gestkomandi, hvort sem þeir hafa átt lögheimili í Ísafjarðarbæ eða ekki, eru velkomnir í tímabundna heimsóknar heimsóknir í samráði við skólastjóra og umsjónarkennara, svo lengi sem 1. gr. á ekki við. Ekki er gert ráð fyrir lengir heimsókn en einn dag.

3. gr.

Þeir nemendur sem koma í skólaheimsóknir í Ísafjarðarbæ skulu mæta í skólann með verkefni frá eigin skóla, bækur og skriffæri sem við eiga og taka þátt í kennslunni eins og allir aðrir nemendur bekkjarins

4. gr.

Forsendur heimsóknar eru að hegðun nemandans valdi ekki truflun í bekknum.

5. gr.

Allir nemendur í grunnskólum Ísafjarðarbæjar eru tryggðir.

6. gr.

Sérstakar ástæður þurfa að vera fyrir beiðni um lengri námsdvöl og þarf að sækja um hana til skóla- og tómstundasviðs vegna kostnaðarþátttöku lögheimilissveitarfélags.

II. hluti. Þegar foreldri/foreldrar eiga lögheimili í sveitarfélaginu.

7. gr.

Foreldrar sem eru með lögheimili í sveitarfélaginu og vilja hafa barn/börn sín hjá sér um tíma geta sótt um lengri dvöl í grunnskólum Ísafjarðarbæjar. Reynt verður að bregðast við óskum þar sem því verður við komið.

8. gr.

Mikilvægt er að sækja um námsdvöl með góðum fyrirvara til skóla- og tómstundasviðs Ísafjarðarbæjar.

9. gr.

Þeir nemendur sem koma í skólaheimsóknir í Ísafjarðarbæ skulu mæta í skólann með námsáætlun og verkefni frá eigin skóla ásamt bókum og skriffærum sem við eiga. Námsmat skal ávallt vera á ábyrgð heimaskóla.

10. gr.

Ef samanlagður tími námsdvalar yfir skólaárið er lengri en 3 vikur, þarf að gera samkomulag við lögheimilissveitarfélagið um kostnaðarþátttöku.

Samþykktar á 345. fundi fræðslunefndar Ísafjarðarbæjar þann 4. júní 2014.